



相慕效多豔歌小詞見雄文大篇
如樂爰居以鍾鼓心雖適二然驚
心弗快也及總角輒與諸先輩結
社文藝相角講說經傳始有慕聖
賢坐立心訓并大人經世之業卯

方同人亦稍知有孫子者不聞或
盛遇之末沈憂鬱塞琴尊之暇炎
景留連時吟嘯一二以寄永懷未
暇窮其津涯問其五拙以故歲所
得不滿廿然不沈覽流觀好沈博

絕麗之文較重稚之丰性習覺一
遷矣夫余伏窮蒼堀穴之中讀孺
書習醅謹之容不得并海內賢豪
長者游高談極論發其光明俊偉
之思而又以浮沈善病不得如馬

遷之豈龍門按禹穴兼成之游學
周秦往來幽并克豫周歷遐覽有
以助其幽渺磊砢之情靈灑雄博
之氣而又以家貧乏藏書不得如
子雲之尚書賜筆墨錢得觀書石

渠有以肆心廣意成一家人言不
過酒闌夢覺樂罷哀餘應遠樹之
烟和卵壁之絜不已先輩湯若士
一詩成輒爲玉雲生莫舞朝歌不
去余又烏覓玉雲生哉久斃亂斃
篋中或受人故扇頭門人輩彙不
次之稍成卷帙故聊述如此亦如
激火云其猶愈吟格奕搏塞之戲
云爾

崇禎壬申十月孫永祚子長識



受第伍

柳柳門書



雪屋集目錄

第一卷

賦

第二卷

五言古

第三卷

七言古

第四卷

五言律

第五卷

七言律

第六卷

七言律

第七卷

五言絕句

第八卷

七言絕句

王昊字

太湖賦
三江賦

雪屋集卷一

常熟孫永祚著

賦

西洞庭賦

有序

震澤爲三吳巨觀七十二峯若浮沫然而
西洞庭踞其勝余弱冠來遊極眺覽之娛
形之紀詠俯仰之間以爲陳迹况日月改
易又歷年所哉余懷向平五嶽之志而不

無井鼃夏蟲之譏然此間可隱何必圖興
公之台嶺營樂天之廬嶽也重省舊紀悵
然久之故託之賦述非獨以當臥遊庶可
遂初志云爾

昔之禹功誕敷奠茲具區三江旣道五湖攸豬南
吞於越東浸勾吳霽奇之所吐納神秀之所宅居
結爲勝麗峙于中隅乍隱乍見疑有疑無遲視兮
巫岫九疑遠望兮海島方壺岸粵如蓮華之出水

逶迤如青鳳之戾虛帶以重岡盤以邃嶺旣岿
而懸邈亦窈窕而寥迥包山深折而徐迴洞庭轟
起而入冥縹緲截雲以建標石公落波以倒影或
獻形于龜龜或走勢于獷猛或絕壁而赧駁或連
障而翳屏至其陰壑幽通暘谷靈閔玉乳低垂瓊
漿細綴雷丁鑿扉靈威穿隧鏐精石英之房琅函
瑤笈之秘探之無形窮之靡際接羅浮達峩嶷行
地幾千萬里而元氣潛宅玄宮肇啓若夫旁漚之

淵別出之矸銷夏曲隈而深潭明月澆石而碕岸
硿礧激激而雷殷湍渦汎洩而珠漩協靈潮之往
復蒸湖氣之聚散沮洳停泓菰蒲繁亂榜人夜艤
漁子晨爨其中則有平原沃壤以陌以阡蠶女出
桑丁男力田墟里鬱其相望雞犬荅於雲天衣冠
仍古淳風尚延軒氏華胥之國晉人桃花之源而
相與娛朝夕而忘歲年竹有篠簜之類木有橘柚
之屬蔚兮千奴森兮萬束楊梅夏垂含桃春熟旣

朱實之離離亦青蕤之馥馥猿猱搏樹而擲金鳥
雀窺園而啄玉芝草三秀建木百仞石瀨濺濺山
泉冷冷甌甌懸兮旁穴神瀆湧兮甘井羽人棲真
之原列真卓錫之嶺蓋峯廻而勢抱乃肇遺夫靈
境琳宇土堊銀榜苔青丹丘蹲于狐窟石壇胥于
流螢荒葛翳坂女蘿蔓庭長松滅景而陰道翠柏
霏煙以縈屏鳥鳴春而自韵花依磴而自馨仙踪
已逝杳兮冥冥爾乃繫輕屩振短策陟高巔恣遐

雪屋集 卷一 三
觀層雲盪胸長風舉腋闊浪天廻騰波電激滂漑
之所晃耀澎湃之所鼓擊混一氣于溟滓俯萬頃
而震魄僿佺語于雲中天吳號于下澤矯首中天
之臺凌空若將可得雷雨晝晦陰風颼颼左雲屏
而羽蓋右桂旄而龍旂翠蚪翔舞靈鼉出遊馮夷
擊鼓而天矯江妃倚節而夷猶譎喬大變幻儵忽恍
恍而莫知其由于是東望姑蘇非夫差之所窮奢
極娛者乎南眺會稽非勾踐之所臥薪茹荼者乎

而戰壘僅存霸業空徂况夫離宮避暑之館釣渚
觀魚之臺蕙心紈質之妖麗雲屏綃帳之徘徊莫
不煙沉燼滅鴟嘯猿哀朝湍夕漲今安在哉洵山
靈之長在悵逝水之不回孰與夫鳴夷之挂席而
長往綺里之茹芝而歸來嗟遐軌之可蹈惟隱淪
其庶幾縱一葦而飛越非我貴夫知希萬里可以
濯足千仞可以振衣或斲藥于麋徑或理釣于漁
磯朗詠叢桂浩歌采薇倘虞夏之不作願與世而

長違

雨賦

孫子善病著書不怡臥相如之文園忽涼颼之北
馳零雨其濛拂我軒墀乃歌谷風而徘徊詠東山
而興思抽毫命素染翰陳辭賦曰大哉雨之爲德
也應地氣而上升代天工而下施普大美而無言
潤萬物而不知陰陽以和土膏以宜衛詩則以靈
紀候周書則以肅徵時帝氏納麓而往試王者零

祀而躬祈迺夫陰諧預知穴處先出水奚爲而潤
礎月奚爲而離畢燕奚爲而拂雲鸛奚爲而鳴埵
此皆類以氣感物以性識其徐也霏微歷羃散亂
飄颻入土而不凝其質因風而不定其方始如絲
而霖霖旣如注而淋浪乍沾衣而藹藹旋緣雷而
滂滂津莖潤葉滋粉凝粧澗淙淙其出泉花燁燁
其流光其暴也來不知所自往不知所積鼓勢于
虛空盡力于擊擲喧喧逐逐破塊漂石疑天潢之

倒注懼瓠子之决圻騰潦則九涂流渾懸瀑則千
巖飛白于是截蛟竦于朝濟挂夕陽于鳥道魚躍
淵而唵喁豕涉波而泥淖銀漢夜澄散梧桐之疎
滴孤雲晚霽轉蕙蘋之澤耀至若洗兵魚海清塵
輦路增柳色于龍池浥輕鑣于客渡夕霏霏兮紛
神女之瑤裾晝冥冥兮濕山鬼之芳杜蜀道以淋
鈴叶曲成都以喫火失度事異情移不可究數若
夫布穀鳴畚鍤始抱養不給黃埃漫起勞聖主之

牲犧瘞興王之圭幣倏滄淒兮膚合聿霑霑兮千
里枯槁空懸黍稷介止天何仁于我民雖珠玉其
奚似缶歌烏烏以燕以喜至其怨出日以飛蓬樹
護草而疾首蘭閨晨閉葯房夜守滴愁心于空階
破殘夢于簷溜春漠漠而煩織秋瑟瑟而掩袖沉
沉永巷寂寂長門埋重苔于綠逕冷銀燭于黃昏
與斷漏而徐滴送長揚而作聲莫不增茲永嘆鬱
矣傷情且夫棄繻遊子鳴鑣上客指遐路而遄征

戒關山而于役行李淋淫敝裘濡澤馬蹙躡而不
進車澗滑而不息望遠道以斷魂慨投林之鍛殺翮
于是乃作苦雨之歌歌曰斷楚塞兮越秦關白日
匿兮玄雲端下杳冥兮灑征鞍余心悲兮黯漫漫
勞如何兮以長嘆矧端居之多憂借泣涕而汎瀾
亂曰上之狂兮惟恒其罹民之愚兮惟暑其咨不
崇朝而被天下兮孰行而施傷美人之遲暮兮泰
階平之何時簡帝心之忽啓兮惟用作之雨兮雨

兮惠我無私

蛙聲賦

新雨霽浮雲羃臨清池倚危閣有聲出於瀕涯類
立歲諄之聲嗃嗃乍求類而孤引忽肆應而並作驟而
聽之戛然如振鞞鐸遠而卽之填然如進鼓罟亂
蟬吟於高樹雜蚓歌於壤末顧問童子其名曰蛙
冬伏乎桑根夏集於水窪或成文而綠質或斑駁
而青花鍾陰類而聚族感水氣而先譁夫其爲物

也名不載於風雅類不離乎汙下蹈井難以語海
沉竈可以溼化時蓄縮以相撓嘗力決於兩膀將
不密以致危納漁人之罟獲只言語以爲階尚永
號於中夜爰一唱而衆和聿此歇而彼滋我聞物
不得其平則鳴豈含怒之未洩若羣呼而訴之不
然何昂首而瞑目遂鼓頰而振頤雖與人乎無爭
抑爲官而爲私至夫陂塘兮青草池館兮黃昏恒
伏枕而不寐擾斷夢而騰喧泉溜兮出響風篁兮

成韻悵羈孤而不怡混虛籟而遞進桐露初引素
琴晨張厥聲聒耳清徽不揚梅雨方歇榜歌夜發
厥聲盈野雜沓無節託微軀於卑原懷賤響而畢
吐非造化之有殊各緣質而音舉素蟾窟於月腹
妖墓脫於下土殆遺孽之雜處肆淫哇而罔顧胡
晉人之清風當鼓吹之兩部嗟夫類以聚而羣分
氣相求而聲應爾不見九臯之唳鶴與喬木之遷
鶯旣聞天而嚙嚙亦求友而嚶嚶緬大雅之不作

乖神聽于和平白雪寡和黃鐘見憎惟屬調于下
里雷殷殷其缶鳴彼其襍然進者爲雅調而繁然
亂者爲清音慨斯人之聽熒又何尤乎蛙聲

憎鼠賦

有序

凡人欣厭之情因寄萬類類聚群分而情
遷矣故深山大澤之中豐艸長林之下或
毛質怪裔或角距獰惡雖搏攫吞噬勿逼
處此非剝牀之災也乃有近在耳目不可

遣驅唯蠅與鼠而已止樊觸惡於罔極相
皮託刺於無禮厥類惟彰風人興嘆而歐
陽子有憎於蠅尚恕於鼠夫君子之取物
也大者降乎天精次者應乎人文下者亦
彰乎物用如鼠者文不足以耀身德不足
以資物畏中剛外實繁有徒而猶候動伺
隙冥夜橫驚嗟亦甚矣是以葉名鼠耳文
后寘之周行憂成鼠思大夫因而泣血疇

昔之夜厥黨狎至咋嚙跳擲如相戲焉心
厭其所爲伏枕揣摩盡得厥狀爰作賦曰
嗟爾鼠之爲虫兮亦大生之衆諸爰取象於卦艮
兮亦降精於星虛宜守玄而處寂兮胡橫行而逆
施詩永號於貫女兮易承羞於晉如恒取惡於古
人兮吾將數其罪而責之維爾形則克藏性則無
良晝則殄影夜則跳梁方窺伏於垣牖兮旋突馳
於筐牀啗殘腥於盤飧兮躋餘瀝於杯湯維筭有

裳兮女紅所以授衣也而爾顧肆虐而虧傷維困
有糧兮王人所以養賢也而爾顧坐縻而飽嘗旣
叫呼而無忌復投擲而莫當迨其醜類匪茹引朋
昆兮盤據不去種子孫兮遺矢縱橫汗甌甌兮流
涎狼籍漬匏尊兮以穿我墉與雀角而爲喧兮以
憑我社與狐黨而爲援兮伺靜而動狡有智兮發
藏而暴貪無執兮其畏在目欲前且避兮其疑在
首欲竄且遲兮將欲熏之而壞宮兮將欲投之而

忌器兮吾將廣爾之類甚爾之惡駕羽化而爾廼
孽作鼯技窮而爾猶高躍鼯穴丘以避患而爾不
畏乎重鑿鼯飲河以滿腹而爾必貪乎大嚼鼯遊
乎藜藿之逕而爾潛窟者囊橐貂戴乎璫貴之座
而爾橫索者醢酢處類最賤行暴甚虐宜其腐來
鴟鳶之嚇而生爲狸奴之攫爾若省過知非嘔腸
易胃宮庭是遷榛莽是避猶可埽室治垣矜全爾
類而爾乃啾啾嘖嘖曾不自愧此坡公所以嗤其

黠而劉子所以棄其穢也嗟爾鼠兮我將取爾之
鬚兮曾不如兔之銳穎我將資爾之牙兮曾不如
犬之司禁我將褫爾之皮兮曾不可以爲裘而燠
我身我將烹爾之肉兮曾不可以爲羹而飽我人
則夫格其足桀其身案其罪而加之刑又曷怪乎
張湯之文深

雪屋集卷二

常熟孫永祚著

五言古

詠懷七首

蚩蚩商丘叟
芟芟北山愚
即石可平險
泳水可得珠
至誠動天地
一心與物俱
恂目中已殆
矜外神先渝
乃知旦夕智
疑慮失遠圖
大人積精誠
畢力事前途
矢矣無惑志
嗤彼悠悠徒

其二

敬業在合志樂羣在同方邈焉時寡儔一室空和
光夸士喜狗名達士甘樂荒良士職蹶蹶中夜徒
自傷淄澠性不混鵬鷄亦各翔思我同懷人千秋
與徜徉

其三

夢蝶旣栩栩御風亦泠泠將欲乘虛無嗒然廢其
形齊物脫嬰網喪我遊宮庭名教有樂地仁義豈
劓刑玄軌不可蹈智者徒聽熒

其四

湮鬱苦天弢宴安懼疾美人生百年內憂戚多於
喜五噫悲伯鸞四愁嘆平子古來幽憤士感遇多
如此觸藩空自羸怡堂竟焉恃世途不可嬰集木
乃坦履

其五

西山有精衛街石填海中山海何高深惜哉力不

從神龍屈蟠泥天飛掣雲空鴻鵠養六翮一舉凌
蒼穹靈異起變化不在區區衷

其六

蘇秦北遊說李斯西上書祗爲榮祿謀傾險惟所
施安知反掌間戮辱有餘辜鬱鬱璠璣器亭亭松
柏姿根株不早定蘿蔓會當移大易慶朱紱國風
歌素絲願言耿耿志持此翼明時

其七

荆棘絆蘭茝波瀾起平丘人情自翻覆乃爲交道
羞意氣空激昂智鄙相攻仇齷齪里中兒古道不
可求願言出藪澤海內結侶儔祗恐羽翼微不能
翔九州坐此抱膝嘆沉吟生百憂

山家

獨往每稱幽同人匪云逐深期託友生遠思愜林
谷雨色暗杉屏溪聲殷石屋柴桑臥雞犬町疇下
麋鹿水葉澹初紅秋花淨如沐松根藏茯苓荻笋

雪屋集 卷二 三 古齋堂
穿翫竹野蔬摘異芳夕爨炊香穀風微覺酒清煙
直知茶熟涼月未分明棲鳥向人宿

朝登凭虛樓

高樓矗崔嵬四遠清風集水色澄空梁白雲英英
入麥田千里浪柳村萬家邑爽氣晨飛來開襟紛
欲襲摘藻嗟棟雲明霞敞書笈曙初日已高樹翳
露猶濕清嘯出林莽帝座通呼吸

徐仲昭貽余清遊集却寄

哲匠邈高軌小儒事卑辭皇荊嗑然笑白雪知者
希四海詎寥廓齷齷堪鄙嗤江上有徐穉卓哉吾
所師山川恣遊歷靈氣發竒姿下筆破萬卷鉛華
竟安施造化役風雨天人翔蛟螭千古乃方駕中
原誰搴旗大雅久不作典刑良在茲

渡江

買舟長江頭江上風吹客落日逗遠烟濕雲流霽
夕遙山萬點青疊浪千崖白潮聲驚虬宮蜃氣落

飛翮舟人駭停舶客子嗟旅逆深控撞陰雷高林
鏘寒戟予起攀檣看秋色滿巾憤胸中河海平眼
裏乾坤窄新楓鬱蒼蒼兩岸蘆花碧月下片帆東
江中一峰僻高歌夜潮寒星斗紛如石杯酒吞大
江賦詩泣滄伯意欲御天去俯視渺一瀉

平野堂聞華漚漁歌

高軒臨野漚柳岸多漁磯欹枕幾迴聽漁歌來漸
微一聲杳不歇渺渺從空歸時入寒潭響兼挾清
霜飛心曩坐超忽缺月明房幃此意誰與道中夜
常披衣

夏夕

黯茲林塘夕豁然疎雨散明月來徘徊雲光爛銀
漢照我白玉顏風塵浩堪歎細石縈鳴泉流螢飄
井榦竹涼無夢寐寂寂夜將半

維摩寺老樹

精廬北山上古樹鬱盤根霜色幾千載癭瘤不可

捫海氣晴晦合山光日夕翻聲滿縣西市影落江
北軒崢嶸非一狀山鬼時與言凍雪積陰谷烈風
吹高原下覆巖中松歷歷如兒孫我來探古色正
當秋氣繁寒鐘答空響黃葉擁寺門精靈未敢問
落日啼山猿

漫成

春愁不可當秋懷不能忘春日蕩寃夢秋風慘衷
腸何以解春愁春愁酒可澆何以解秋懷秋懷詩

可陶酒醉憂慙歇詩成憂方高

溪上步月有懷時旭如山樓

素輝如積雪騰此地上光欲踏不敢遽脚下生寒
芒四野何沈寥水木秋蒼蒼水氣下白露木葉脫
清霜叢薄光迴碎綺岸路微茫千里望不極綠溪
歸草堂孤吹出林樾遠鴻噉平荒思君山樓上留
酌飛瓊觴遙夜有如此獨坐生憂傷

送趙景之計偕北上

秋風萬里動天雲飛四垂脂車駕言邁挾策干明
時君子起大業小儒事卑辭念子光駿德世烈舊
所基才賢固夙欽文采亦吾師朱鳳振其羽鷲百
空爾爲自笑鴻鵠志猶事枋榆棲行行把瓊芳春
風以爲期

其二

執手念遠道黃塵漫浩浩歲晏江河深魚龍豈終
老霖雨起變化神物自矯矯策馬齊魯間太行青
入吳市駿已空羣破璞非銜寶明聖正當陽致
身及應早漢庭第一才茲出詎小草自顧寧不嘆
賴子抒夙抱

倦夜

林月生夜涼水風清晚醉柳疎蟬咽響蓮側魚翻
翠亭亭碧影澄濯濯素華墜圓波微見紋灌木遠
生吹短夕空易徂長日多促刺靜坐聊可適憂來
不成寐

七夕

今夕是何夕秋風媚幽思微雲澹織月涼露被華
滋小庭掬方水鵲去無驚枝眷言念離合明河高
且垂空聞靈光會牛女成佳期歲年隔朝暮須臾
聚歡悲人世寡良邁河梁徒爾爲悠悠清宵徂惻
惻中心私天漢未可問乘槎將何之

與徐元脩王季和自顏港泛月華滙

圓月升夜垣宿鳥喧春渚良景不可得佳人匪遐
阻因之理舟楫橫塘見村炬遙犬吠櫓聲素蟾灑
杯醕空濶渺相將深清汲還煮浩歌發靈飈端坐
身已舉積水澄明波遠靄浮孤嶼所思在天末望
望成何許微露下沾衣中流自容與

晚泊君山渚

練帶天風翻散作羣山紺綠煙漁一簑夕翠樵雙
擔潮迴激石鳴雨起連江暗秋色撲船來芙蓉舉
作纜

題嚴子建萃野

世人事囂競遠趣知者寡世外得吾真僅見君萃
野結茅不數楹花竹環其下綠波照軒明蒼山當
牖寫芳原連綺繡風物正瀟灑高柳拂長條時與
炊煙惹涼雲畫裏生明月珪中瀉展卷有餘適卓
爾見高雅我來心豁然一傾累十竿遠歌發水村
散步得蘭若籬徑久不行春蘭藉盈把往往載酒
至輕舟疾於馬解纓濯滄浪釣徒堪結社猶恐漁

人知紛紛問津者

酌陸兆登池上有懷伯符

池上弄明月水木含餘清垂柳散平橋流波暗迴
縈觥籌信所適石上彈楸枰隔池誰所居君家伯
子兄相結忘年契北海與正平中道忽云徂素琴
今不鳴涼風動高樹彷彿哀弦聲舉酒再三嘆惻
惻傷衷情

偶成

斯人盡冥行醒者得其清舉世盡畏塗醉者得其
真醒醉我何適大道本無營

感事和錢履之秋夜韵

羣羊食草間而欲冒虎斑嗟彼揭竿民何異貪餌
鰥慢藏雖云誨餘毒及孤孱遐哉神君治夜戶常
不關

春日雨中題江上寓

震雷發羣蟄衆卉欣時雨鼓藥紅乍抽老梅白盡

吐雀啄短垣茅鶯啼江渚樹嗟彼灌園翁淳風朴
而古蒔花滿庭闡種菜當堦戶祝雞無是非抱甕
忘歡苦自笑浮名身行役戀柔艣壁彩動江關青
衫滿塵土獻策先賈生匡時後鄧禹春風吹鬢毛
日暮吟梁父年運苟如此吾不如老圃

鬪雞篇

長安東郊道築臺兼治坊羣雄正恃氣翕赫來廣
場朱睛炎火發金距利戟張竦冠相抵向振翼忽

高翔一却仍屢進抑怒以待強口血汗錦毫勝者
何揚揚豈意匹禽爾決命爭低昂視敵有如此勇
氣前莫當赳赳戴鵝輩鼠竄良可傷

白馬篇

白馬黃金羈飛出長楸間身輕片雪影汗滴桃花
斑朝馳度隴水夕驚過陰山蹄蹴層冰裂尾駢戰
血殷胡馬數十萬追奔無生還與君立功勲微軀
安足言但笑奚官騎虐飽在天閑

雪屋集卷二

常 熟 孫 永 祚 著

七言古

月下小憇七星壇成游仙八韵

夜月何皎皎輕霜濺枯草人聲萬戶寂檜立空壇
老壇前青石幡影舒璫姬玉女駢香車中天之臺
鸞鶴集笑語雲中吹步虛疑是瑤池宴歸去玄都
蹇駐仙人馭靈風一陣月空明葉滿山門不知處

雪屋集 卷三
春夜看梅沈雨若典園歡醉達旦

城北草亭夜不關梅花數十相迴環闌干平望雪
斑斑花氣迷濛春一灣三三五五語笑間呼盧命
酒開春顏綠衣歌舞縞衣閒人影參差醉不還醉
態風流意有餘摩空噴雪賦成初人人自矜仙骨
殊不改心腸鐵石如月落孤山處士居羅浮美人
鶴來徐相携清夢碧窗虛猶有香風欲襲予

習靜春曉閣

春曉閣前春日暉春生臺榭春風微晴簾花氣撲
書研午攔竹粉沾巾衣中有園居草玄者朝朝瓊
屑玄珠霏霏微馭氣窮深宵流水車輪徒擾擾清
音自在瀉高山真韻無心流好鳥靜裏心從何處
歸推窗露滴青春曉

妓館遲玄姝夜至爲扶風賦

館娃宮月西山頭日暮悲風起客愁匣裏劒光收
不得春心一夜滿倡樓樓上花枝月初午水僊何

處猶飛雨燭影熒熒驅夢來凌波迴步餘歌舞僊
郎故惱鳴鞭回阿鬟扶致鴛鴦杯檀板低催按聲
怯玉紈掩抑勻面開青霓花裊搖襍寶泥人情緒
偏生懊愁煙柳葉病初長泣露芙蓉妝更好一幅
輕綃字數行解看猶帶寄來香已知舊恨苦縈思
那更新懷憐斷腸舊恨新懷訢無極翠寒燼落催
人逼王孫一擲自千金難買今宵春半刻

長干行

長干女兒傾城顧家住春洲桃葉渡嬌面盈盈臨
水粧朝朝織出機中素素耀鮮膚凌雪霜可憐遙
夜宿孤房少年夫婿向何處獨對秦川空自傷空
自傷復相憶陌頭楊柳黃金色坐使春風度歲華
馬嘶不似君行跡但聽烏啼春樹深成行玉筋下
沾襟起來攬鏡長嘆息青鏡那能知妾心妾不願
作侯家婦歌舞筵中小垂手金鞭自逐五陵遊倒
却玉山猶使酒妾不願作邯鄲侶日日高樓大道

傍公子千金買巧笑一朝零落委秋霜妾心願作
花間燕雙去雙來梁上見辛苦營巢背逐飛依依
向語同棲戀如何車馬去閒閒音信垂疎竟不還
落花重重難上樹君歸何處惜紅顏

銷夏灣

精完

太湖之水山嶢峴太湖之山水灣環吳王築宮來
避暑白紵涼生水閣間朝歌暮舞鮫人帳千里湖
風颯相向漠漠平蕪空一丘只今明月隨波浪

大水吟

春來岸雪冬餘積雲母冰開春日炙戴勝鳴桑雨
不來桃花新水無三尺共愁春旱枯漁汀猶喜麥
天梅雨青誰知澤國常苦潦雛雉高飛搖鵲鴿白
龍水戰火龍敗海氣湖嵐噴成沫晴晝須臾黑四
垂疾雷破山雨破塊秧田沙砲擊喧厖雨伯縱橫
竟不回倒却銀河上疑竭杞人日夜憂天頽城隍
轟轟摧百丈湍急朝衝兼夕漲溪聲未堪倚杖聽

莽養

水勢但可登樓望翠柳青榆蔭已休川原何處不
成流蓮涇石決竹橋澗草壁上消茅屋浮坐看長
堤浪吞齧高塍平浸無由泄浣花磯沒巢鴛鴦築
稻場沉窟魚鼈野老經營未忍虛擔泥堰水不成
渠賣刀處處思還犢結網家家學捕魚生憎大澤
連大陸河伯今朝旋面目渚涘不辨牛馬形風雷
祇恐蛟鼉逐我欲乘流一扣舷舟凌萬頃青空烟
蒼茫世界疑無地潏潏波濤欲到天猶有人家居

殿

樹半鮫人水國如相喚掩泣空餘明川珠竈蛙烟
冷虛晨爨吁嗟吳儂遍告荒宰官星勘徒紛忙蠲
租未下災傷詔賑粟誰置常平倉瀕歲窮鄉疫風
起漕輸百萬多流徙征徭已苦遼東兵汙萊泥滿
江南水昏墊馮陵日薦飢救荒奇策自來稀黎民
菜色詎忍見不信廟堂食肉肥五色線將天漏補
草茅何日承明主太平玉璫手爲調五日一風
十日雨

贈造墨者方玄卿

廿載江湖老名下盡識方君墨隱者拾得崑崙象
罔珠文人詩客相追趨雲氣淋漓燒作汁濃香不
散松膏粒玄霜夜搗鐵杵鳴碧烟秋掃瓊篲溼瓊
屑新團螺色沉漆光舊暗龍文侵有時乞賦感意
氣贈我雙函不用金一片清都玉數滴沆瀣淥仙
郎夢染筆將飛狂尉醉濡髮似浴草檄應磨楯臯
冰宣麻欲汗宮袍綠有志如斯愧未許日暖閒窗

沆瀣
械
淥
六

空著語抽思吮墨把題君彩毫忽動黏春雲

贈筆工強端甫

斷
音
竹

強君強君住管城夜驅蒙恬十萬兵斲來梁苑竹
多瘦逐得中山兔盡驚七尖銳射秋末雨珠光圓
拂春毫霧空傳晉代鼠鬚名不數香山雞距賦有
筆如此詎可虛會須獻策天子居揮落烟雲洛陽
紙激昂霄漢金鑿書有時吐鳳甘泉裏自草太玄
俟知已有時倚馬千言動唐宮勅嬪親呵凍五色

斲
竹

花生協夢來籠箱數石何奇哉丈夫橫掃秋未禿
但恨脫穎無良媒君不見班超怒欲上封侯却挽
矛三丈又不見張旭狂欲走頭髮可濡墨三斗如
此謝筆亦不惡莫向西風嗟筆閣

夏日偶集陸文脩齋

濃柳疎桐蟬咽處薰風簾幙涼生芡主人摺矢客
鳴壺六月虛堂不知暑冰盤薦雪酒傾珠携宴中
庭夜色蘇意氣爭傾北海座風情詎數高陽徒明
河照席飛螢火長嘯驚鳥落庭果起舞胡旋醉不
歸紫薇月向西牆墮

海水謠

海水今年不受職上作霖霖下泛溢江南使者未
敢隄醜酒龍神告沉璧椎牛擊羊水廟裏鯨浪高
掀鼇峰徙天黃日落烟茫茫四國豆苗半浸歎吁
嗟回首民惟艱五風十雨何時年令人重憶先
皇世海不揚波海晏然

亂

正月二十一日泛雪湖上大雷電

曉鑿琉璃田三十里移舟汎入空濛裏銅盆炭映玉
壺紅蓬外雪飛寒墮指飛來幾片衣方溼磨礮一
聲曠眇急萬道火光燒不融玉蚪亂舞成團入如
何激薄任天家勝六依然巧剪花疑是空中爭道
過一時推倒阿香車

丙寅紀異

七月一日怪風色三日夜來不肯息黑罡一氣入

斗旋只在虛無運神力一片空聲樹頭指江北江
南數千里倒飛海水濈雨來猛虎毛寒嘯不起鬼
車昨夜縱橫啼城中瓦落如雪霏野田連毛拔屋
去驚沙壓得稻花豆莢摧成泥我聞京師三月春
土霾白晝揚暗塵崩雷五月塌城堙如何沴氣行
下國水妖旱魃乘風輪嗚呼三農賽神告神保五
日一風泰階好誰吹玉律掃天狼空向高山尋勁
草

寄蕭山來廿四季方

我不羨君抱奇術江山到處尋真室我不羨君好
家世公卿子姓滿門第如君自是千古人青鞋布
襪寄風塵世人無復入青眼對予如接平生親憶
昔相逢在平野臨風把酒梅花下一見豁然千里
心百年空嘆悠悠者杖履白雲何處家別來又復
幾年華山中流水依然在洞口櫻桃空自花如今
情事不堪數至痛驚心兩迴苦欲卜玄堂土一坏
不見君來何處所當初指點北山深雲石蒼茫不
可尋草草泉封已成樹教人能不憶沾襟

嘗野菜

我家有廬住北郭山谿野人獻芹藿蒞花薺菜破
烟挑萃子泉莖和雨斲隔屋青香遶爨烟一杯野
飯春堪嚼菜根滋味咬更奇肉食鄙夫那得知試
效野人獻此味蜚口慘腹君胡嗤君不見金盤玉
饌無下箸日費萬錢空爾爲

病眼看梅

眼中痛發熱如火使我喧悶難可禁
虧殺窗前三株四株老梅樹
招得寒香清沁心三冬霜雪飽凍
苦一月風雨常晦陰乃知倦眼怕晴晝
如此蕭森颯爽開煩襟
開襟暗覺香風起直以冰脂洗昏翳
老梅精爽能驅爾不然閉目悶欲死

弔藤

古藤盤鬱西山陞
挐雲攫日精靈移
黑蟠雷雨挂虬角青入薜蘿纏石皮
秋堂長絡千年蔓元氣崢嶸
嶸山鬼怨一夜西風入斧斤
吹佐僧厨香積飯我來谿上重
淒迷墮葉飄花自著泥何處空中
孤鼠啣猶聞澗底作龍啼

宋又希師旅母襯歸越短言慰送

單父曾聞不下堂
虞陽枳棘棲鸞凰
鳧鳥初來看飛越
牛刀試割真鋒鋸
兩載簾垂父母邇
君侯美政花相似
城頭列宿忽無光
一夜悲風滿街市
吁

嗟吾侯母不天奪侯母兮民胡年母在何辭百身
贖侯去誰爲衆子憐執白紵攀素軾行行欲淚情
無極春雨棠梨徒爾思春風桃李空相憶君不見
江南保障繭絲輕何處循良赫赫名獨有絃歌遺
化在川流夜月瀉琴聲

送譚扶風北遊

丈夫之志在四方胡爲刺促間井傍君今出門向
何處意氣凌雲入帝鄉六月揚帆渡淮水黃河日
暮黃雲起耐可乘槎直入天風沙已踏京塵裏京
國新來四門闢乳虎蒼鷹已薪積下 詔更求良
史才紛紛通籍承明掖如君入都正年妙走馬長
安五陵少楊雄獻賦甘泉官方朔隱身金馬詔一
時恩遇日應新何必功名讓古人君試昭王臺畔
過黃金猶自照千春

贈徐子鵠得子

君不見徐卿生子稱絕奇少陵不惜爲歌詩至今

千載見英氣其後往往多佳兒南州名士文章伯
探驪半世無消息驪領昨夜走其珠却在君家掌
中得徵蘭兆叶采蘭曙正值春來馥如許神駒出
水千里血老鳳引雛五色羽珊瑚數尺綬青絲白
玉門楣未有期珍重奇珍希世有階前行見玉盈
枝

遊洞庭篇

闔閭城外木蘭舟溟濛烟雨春江愁載得美人出
湖裏拍天湖水桃花流美人唱徹勻新醉青漚幾
點烟中翠淨碾玻璃三萬六秀削芙蓉七十二龍
巖石洞苔龍葱落唾吹花珠玉風東海蓬萊不盈
咫五湖一吸掌杯中吳王洲前水犀戰鴟夷船裏
西施面潏浚空送明月歸綺里烟霞幾回變霸業
仙靈去不回十三小艷花板催直須一醉便千日
却駕山頭黃鶴來

林屋洞

湖龍散唾石花噴幽岫玲瓏路盤亘共工餘怒不
周圯倒觸山根丁甲遁地脇穿開達玉崙津砂瑤
草自成春至今妖鱗不敢穴萬丈天荒一線人隩
隈何處尋靈篆元氣茫茫洞中轉低窪細生瑪瑙
漿倒乳暗垂冰雪硬願持不夜驪珠來照共靈威
手劈開不知世上換花甲但聞地底閔風雷葫蘆
空繡日月色鐘鼓長懸天地黑頭上湖聲萬頃鳴
脚前石柱千秋隔隔得人間不隔仙仙凡豈在穴
中天歸來縹緲山頭立猶聽青空語倥傯

吳閶舟中贈歌妓若蘭

吳天棹破迷烟雨拍拍香風花對語當筵十束紅
綾紵不換蘭娘歌一緒一聲妙叶神工什湘娥怨
瑟西施泣顆顆真珠滴欲圓柳邊猶覺鶯吭澁無
言四座各情含湖上羣山眉着嵐何當今夜扁舟
子飛鴻目送秋風裏

徐文虹齋觀劇四章

十三小伶鑲子骨能行屏風靴踏壁俳場一道不
數尺蹲蹲起舞應節拍陡然險勢疾飛翮利刀短
劍當頭擲一聲撲地翻向空座上寒毛如蝟磔旋
身未數胡騰兒燭花暗飛紅毯移石國遺師至今
在不向君家那得知

其二

繚垣重重心惛惛湘簾半捲攆璣月華堂小史髮
鑑人雄吹清歌一時發激徵流商分外奇梁塵欲
動雲不飛輕喉裊裊向空落成串真珠襍雪霏子
夜前溪方罷舞座賓唧唧徒聞語醉中不惜汗新
裙走筆爲翻新樂府

其三

劍戟森森豹幡掣中軍隊隊紅纓結金鉦靜處不
聞聲縱橫陣脚旗門列五花八門何井井鞭梢一
指旋風影不知轉戰畫堂上疑是春營耀威猛君
不見婦人可兵姬可騎三令五申誰所致可憐百

雪屋集 卷三 古
萬養將軍棘門灞上同兒戲

其四

我出無車策款段天閑神駿無由看紅膺翠櫛繡
纏髻燈前滴滴桃花汗奚官牽出風生蹄玉鞭一
下盤旋馳遶場蹀躞復蹀躞擬向月明歸借騎君
不見西京樂工遺妙伎殿前激水魚龍戲更憐木
偶會招人穆王何事空生怒

泊雨綽墩湖

綽墩湖邊烟數樹野塘沉沉雲水暮問津前向不
見人風雨孤舟何處住路上行人怕昏黑暴客縱
橫劫商客渡頭昨夜滿腥風官長差人捕不得吁
嗟出門多畏塗風波賊盜無時無安得龔君滿州
縣佩刀帶劍皆農夫

置酒行

置酒高堂列明燭翠釜金盤饌炊玉妖童少女伎
紛屬絲揚肉奮柱移促纖指轉斷鴟絃軸鳳梁猶

雪屋集 卷三
繞春風曲主人酒半客更衣樂端屢進歡不足起
看北斗移星河有士飯牛方進芻漫漫長夜嗚嗚
歌

哀王孫

老嫗山中哭帝子漂母淮上哀王孫乃識假王與
真主被酒寄食元不倫蛇已斷從其龍投魚竿縱
狗功相與逐兔烏江東誰知烏盡將藏弓有雉反
來未央宮漢家何薄韓何騃何不回首飢餓城南
臺淮陰已侯猶望報坐令怨嗟羅刺身爲菑吁嗟
乎帝子不須哭王孫真可哀城南漂母詎易得空
嘆英雄千古才

白紵舞歌二首

黃金樓楣白玉堂清絃急管飛瓊觴有美一人婉
清揚纖桂長袂盛容芳迴身徐起步鳴璫循奏躡
節趨徜徉凝思含睇惜不翔雙袖忽舉橫難當日
沉月入西馳光妾身長侍奉君王願君歡樂壽且

康千秋萬歲未渠央

其二

銀燭明輝麗便嬛徘徊紛衍却欲前紈袖飄舉帶
縈旋迴風匝地拂璫筵轉腰頓足翩僊僊金盤玉
除盈翠鈿逸態百出變屢遷清霜乍飛歌乍傳鳴
箏促柱思華年盛顏一故詎再妍誰能禁持私不
憐

隴頭水

隴頭水咽不流馬渴下飲嘶長溝驚塵漫漫關路
悠邊塞不識春風柔征人去赴交河戰此水嗚嗚
下隴頭

江南弄

青青垂柳拂金堤相邀拾翠弄春暉連袂踏歌嬌
不歸嬌不歸江南路曳羅裾花裏度

採蓮曲

沙棠作舟木蘭橈金塘水清不通潮持花牽葉來

迢迢來迢迢浦風起捲羅裳墜蓮子

採菱曲

椒潭桂浦茱萸灣女兒纖手金約環夷猶中洲采
菱還采菱還歡不見望江南淚如霰

朝雲曲

疑烟似雨流光開芳菲掩靄臨荆臺乍遠却近來
徘徊來徘徊望不隔飛瓊裾拂瑤席

君馬黃

秋風瑟瑟生虛堂井梧飄蕭吹裙襠低愁含恨眠
象床羅衾繡幕爲誰芳隙月照幃起徬徨金鋪鏤
響出迴廊香氣滿裾散流黃羅帶牽風別來長明
河垂練星垂璫冥冥秋夜何未央玉簪搔首蓬飛
揚玉筋挂頰三兩行竇錦秦機空斷腸思君不來
心煩傷君不見牛女隔河梁朝朝暮暮長相望

義憤行爲貢獻五

主爲奴決兄爲弟桀大江之水下嗚咽青天之霜

雪屋集 卷三
上飄瞥君何辜兮罹此屈軀爲友隕兮寃爲友雪
友道貫金鐵嗟乎大義胡可滅食仇肉飲仇血嗟
乎大義胡可滅

坐雨鄒愚公故園酒酣因酹公履

愚公故谷錫山隈喬木陰陰曲水洄画壁長廊金
粉堆層阿複道隱樓臺秦歌趙舞日不歇可憐一
旦飛塵灰我來六月毘陵道猶貪佳蔭攜尊罍雨
勢忽如瓠子決飛烟噴瀑驚崩雷但愁咫尺坐相
君馬黃臣馬驪兩馬同逐臣馬隨分之所安不敢
辭君馬黃臣馬黑朝發宮城暮八極願君歸兮無
忘矢文德

獨夜歌

溪蛩號霜天柳葉霏水烟長安高樓多舞筵何處
良人羈盛年夜半空閨獨誰語玉闌干外月臨川

春風歌

春風吹寒洛城隅洛城有女長嘆吁低首不語心

鬱紆柳條輕弱桃花都桃柳紛紛夾長衢鶯黃燕
紫新弄雛誰人相攜採薜蘿可憐南陌多靜姝紫
絲障歌石綠珠青絲籠葉秦羅敷使我獨立空踟
躕歲蕤深院日照鋪花氣縈帷碧流蘇淚色凝枕
紅珊瑚心煩意亂碧看朱空持少年與誰俱鶯啼
暮樹春欲徂思君不來眼骨枯君不見池上浴雙
鳧飛來飛去無時孤

秋風歌

失中堂叫嘯相喧逐哀湍墜石拂高樹美人黃土
何其悲惟見兩山青不改荒園無主空蒿萊吁嗟
鄒子身爲災血痕在壁長莓苔陰房杳杳鬼語哀
我今爲汝酹一杯鄒子英魂安在哉胸中塊礪須
得澆我百斛酒坐恐惠泉枯竭生黃埃百年翻覆
成何事一曲長歌歸去來

我所思兮四章

我所思兮山之中山鳥鳴春今日曛曛薜蘿蕪羅生

兮美人以爲宮欣欣目成兮下簾櫳私並坐兮未
敢通翩然一逝兮驚如鴻落花無言思何窮小窗
搔首兮愁春風

其二

我所思兮山之北有美一人兮在空谷采芳蘭兮
不盈芻雲籠蔥兮花覆屋泉錚鏦兮鉏鳴玉風雨
夕兮客宿宿私有心兮愁幾斛天涯一望兮芳草
綠王孫王孫兮去何促

其三

我所思兮山之阿空山無人兮花事過花時爛熳
兮春風和有美人兮笑齒瑳橫睇盼兮流明波新
睡起兮自行歌夢予新詩兮繡輕羅一別如雨兮
兩心磨岡重路複兮傷如何

其四

我所思兮山之上白雲悠悠兮自來往中有人兮
坐愁想幽心自結兮抑而枉一見予兮失俯仰橫

自陳兮覆蓮掌鳴呼歡情極兮哀情長一望不見
今心煩快春山茫茫春澗響何日重來今意惘惘
嘗魚行

東舍溪頭好楊柳主人種魚池百畝昨夜桃花新
雨餘喚取一雙來供酒溪童撲地入春波手提銀
鱗水上過擲向溪陰深草地尾稍猶見白峩峩中
庭笑殺觀魚客溪溪離蕙纔六尺主人呼酒稱快
哉金盤已薦行瑤席不移時刻帶波煎玉菜冰絲

切作烟蘭閨素手好羹膾侯家何處留春鮮堪笑
城中盛嘉會早起門前喚魚賣買得西谿尺鯽長
猶繫隔宵枯柳帶何似君家涇上居嘉賓日日詠
嘉魚孟嘗好客空千古馮煖歸來彈鋏歔

大風雨拔屋木留酌周彙吉齋頭燈下慨述
天子仁明正當御江南水旱何多故地圻井枯河
見土禾頭乾黃不得雨赤日照田成斥鹵十日南
風吼如虎到今狂勢何更怒須臾雨雹震擊戶飄

瓦紛紛向空舞一堂爾汝不相顧出門倒走踣即
仆幸有玄亭草玄主把袖殷勤留客住人人蜩縮
寒毛豎篝燈一室相向聚惡況翻成良會晤呼盧
且盡雙玉注窗上風聲猶薄柱應有垂龍驅海颶
移海溟天翻作澍幸不傷禾澤沾普珠玉離離遍
黍稌酒酣更念小民苦偃屋拔木不可數今夜露
啼無告訴自起悲歌歌杜句安得廣厦架千間庇
盡蒼生獲安堵

送邑侯楊伯鉉老師入覲

君不見虞山峯嶺而逶迤君侯美政與之齊堂上
琴聲閒白晝縣中花發滿春堤君不見虞川泮溇
流七絃君侯德澤湛清漣初看破柱嚴霜後漸見
垂簾愛日邊如君自是調羹手暫試烹鮮亦何有
盤錯已知別利器畫一何妨飲醇酒堪歎循良半
繭絲赫赫之譽非所希何年江上秋螟散何處田
間春雉飛自幸忝居文學里絃歌雅化猶聞耳郎

雪屋集 卷三
星照處福星臨膏雨千門父母邇五載棲遲鸞鳳
章海邦枳棘羽儀芳祗今鳧鳥朝天去百里何能
域大良余也不材本樗散拂日凌雲應所短培植
深恩比豫章可憐猶作溝中斷自昔英雄重知己
江東孫楚悲如此何時移向上林裁不負公門舊
桃李桃李無言谿上路棠梨處處沾春雨何武空
餘去後思去時那惜攀轅苦攀轅無計苦難留
天子方今側席求佇看日邊雲五色夫君黼黻潤

皇猷

代愁吟

春有布穀之鳥鳴秋有促織之蟲吟雨中催得耕
夫力月下喚起紅女心心縷如梭織手澀機頭夜
夜寒生泣禾頭滴汗望收成了却官逋無半粒歲
序悠悠春復秋人生苦爲衣食謀可憐蟲鳥聲淒
處空代耕夫紅女愁

結客少年場行

少年事俠游意氣橫九州身藏博徒間腰佩雙吳
鉤吳鉤晃曜白如雪向空一指天狼滅爲君報讐
仇未得被酒燈前肝膽裂少年場堪結客功名欲
奪田竇勲豪貴常遊許史宅吐氣如雲衆所尊相
看千古竟何言惟有當年魏公子下車迎揖老夷
門

雪屋集卷四

常熟孫永祚著

五言律

雨後探桃源澗

空山新雨後着屐到長林一徑桃花水春來幽意
深禪關迷草色澗戶落雲陰日暮鶯啼歇能生物
外心

憇包山寺後閣

寂莫毘耶閣蒼然翠萬重林深依淨業寺古絕塵
蹤月落仙壇井寺後有毛公壇雲移鳥道松他年何處跡
賴有度山鐘

溪行

不向溪南去那知潦滿塘林中脩犢具水上築漁
梁小鳥調鶯舌閒花學婦粧田家春欲盡處處足
耕桑

宴功甫大叅宅看演家劇

華宴當佳夕清歌列畫堂月生先映幕雲度不移
梁舞席花煙滿衣塵水杜香何知秋思裏留戀醉
春光

春晚偕時伯和野眺

何處堪遊目開門野意閒春陰花草徑夕照有無
山石老生雲出溪深引水還莫愁新月暗前路是
松關

倦夜

清夏疑徂暑虛堂夜啟扃幾堆雲鬢髻一片月池
亭松靜鶴初夢竹涼人易醒流螢飛不盡林外落
疎星

獨坐

遠籟忽含寂城陰極望迷秋風催去燕晝雨隔鳴
雞虛閣桐歸榻深廊竹抱溪宛然成獨咏醉後不
知題

春雨

春雨乘時至如煙漫碧空草輕迷遠渡花重滴荒
宮有恨縈人意無心潤物容絲絲誰爲織一任好
東風

春暮遊洞庭

浪聲千頃作人在太湖隈林雨櫻桃熟山風橘柚
開禹書空闕洞仙跡尚留臺欲問吳宮事春陰酒
一壘

夏日溪上賦得欲雨

兩椽茅結夏一陣竹鳴秋水氣先蒸礎雲容忽疊
樓鶻低翻樹去龍下抱珠遊遙望千山白移來只
幾丘

平野堂看吳仲纓舞劍

有序

仲纓白江上偕徐元脩過譚扶風平野堂
酒酣賦詩擊劍爲樂致足雄也未遂請纓
之志頗有橫槊之風因短言紀之

匣裏雄開劍堂中笑脫衣風聲寒鐵氣電色爍霜
肌騰景龍雙遶身蝶滿飛看君酬國志直擬破
戎歸

謁功臣廟

太廟藏弓遠英祠列象崇山河百戰後俎豆一
王同綵壁圖麟跡金城汗馬功普天猶食德祇肅
仰遺宮

登燕子磯

蔓壁青蘿合橫秋白露濛龍迎山勢動燕落水聲

空斗近雲生樹江深月在蓬迴看
王氣紫直接
薊關中

阻風天霧洲

此日弃繻客歸來淚滿襟江豚吹颶脚岸葦亂秋
陰縱飲山河壯高歌星斗沉魚龍知失意翻浪助
悲吟

枕上

一枕清秋夜涼生小簾初露寒蟲語戶燈暗鼠拋
書有夢風雲薄無謀歲月疎猶憐華鬢在莫學病
相如

悼時

國計固云急民生何日蘇赤家供吏役白水課
王租郵使煩征督漕官怒籲呼江南膏力盡誰上
鄭監圖

釜山卽事

大海安孟日微山覆釜形港門潮氣赤墩草燧烟

青佑舶占風候漁罾帶水腥村醅成一醉傍晚莫
揚舲

夜坐懷人

秋風餘竹榻閒凭小欄干夜色樓臺靜人聲燈火
殘千砧霜悄瑟一笛月清寒回首寒孤夢蒹葭何
處看

花雨樓看月初起

何處一輪月當樓忽湧來城昏烟尚罩湖霽水先

開病鶴秋蘇骨潛龍夜護胎漸看光滿處片片散
亭臺

感懷

淮海元龍臥乾坤一拭巾時危多伏志道賤尚違
身病鶴翎初拂飢鷹性未馴應知丘壑裏不是置
閒人

秋過藤谿爲顧朗仲先生讀書處

一水澄秋氣蕭條映古關人來藤徑晚僧坐草堂

閒黃葉風千樹蒼烟日半山空悲先哲萎時有白雲還

泛湖

荷芰遙臨鏡湖山盡入圖夕陽依水下雲氣近船無病酒杯分半隨涼棹引孤莫催歸去黑螢火照菰蒲

賦得明月照高樓

商氣高樓動徘徊月照時虛梁搖一水宿鳥抱孤

枝遊子關山意離人粧鏡悲遙知千里共只是隔相思

晚渡蔡涇

落日漾遙津晴光覺可親新蒲風獵獵淺瀨石粼粼岸雪猶餘凍林花已及春數聲涇口鳥迎得去年人

病眼

齋心葷久斷病眼酒兼忘惟覺臘辛遠漸知春菽

雲屋集 卷四 古鳴堂
芳默存多道念暗坐失年光何法除煩惱身空有
梵王

病起

病起自理策開軒近前楹新陰放幾樹好鳥來初
鳴猶見疎雨滴始知晚春晴東風不堪問紅藥正
含英

夏夜留丁曙清清溪草堂

我愛清溪月因留幽士居徑深寒甃石潭響夜跳

魚席爽當風竹杯香滴露蕖醉聞高柳外漁唱落
庭虛

中秋夜一宿維摩寺

一宿招提境衣裳翠靄中孤雲翻海氣雙樹插秋
空石臥深山月鐘遲古殿風諸天應自近香入桂
花叢

偶得古錦文七十一字叶而爲詩卽蘇蕙第
六圖作蘇蕙怨二首

雪屋集 卷四
衰壯容顏改寒衣歲暮時龍章繁別感藻繡翳勞
思往恨終風嘆貞情孟曜詩遠宣仁士行終始盛
年知

其二

松桑微日翳龍虎異風鳴華飾憂衰暮彫顏感盛
榮歲寒賢改行世喪物殊情文繡興繁嘆詩章遠
恨傾

思舊

有序

安陸張銓部武康駱侍御遂安毛中丞予
少所受知者也同里陸伯苻袁無盈陳廷
節予所結社而資以義者也今並後先物
故每閒居之暇忽忽如失竊念予顛毛未
告而知已云徂已種種矣慨然援筆淚下
沾衣

束髮操觚歲中原獵菽年文宗推國士同社嘆才
賢竝以千秋賞俱爲溘露先那堪吹笛處墓草半

芊芊

題范季公書屋

草橋春渡處。幽築兩三椽。竹暗風爐火。花明水榭烟。人閒知靜日。物暖記新年。未識陳蕃過。茅堂榻尚懸。

高士毛公懸榻待陳蕃

嚴子張泛酒蓮花蕩訪子建芊野二首

爲愛楊雄宅。時時載酒俱。花源行處遠。煙嶼望中孤。落日飛沙鳥。微風動岸蘆。多應深柳內。隔水問

耕夫

其二

入座山當供。虛窗竹樹涼。不知中酒渴。唯覺鬪茶香。茅閣依蓮浦。漁家遍柳塘。只愁迷路出。烟水自茫茫。

經山北廢祠

秋蟬鳴不息。斜日廢祠前。零落無香火。松楸自歲年。荒庭山鹿入。斷徑石羊眠。行路空回首。殘碑字

巴湮

戈莊樂以自題五十見示和韻答之二首

家入碧溪分花源事力耘籜冠時倚醉漁棹日移
羣山桂清猿夢園樗遠豹文還將秋鬢色飛共鏡
湖雲

其二

浮生逝馭娑半世足烟波共識鹿門隱相邀蓮社
過道情宜野服生計任漁簑白日滄洲趣高閒奈

爾何

苦熱

本是炎方客那堪毒熱蒸暗融鐘鐻鈕渴斷轆轤
繩牛死田身坼鼃枯地脉崩祗愁三島泐不得御
風登

遣熱

何處尋涼爽閒思竹戶開萬山圍暗木一雨送輕
雷陰洞侯家館風軒帝子臺道傍耕力者當午荷

鋤來

與周古樵夜話

相見長林下科頭渾不簪涼生新浴後語入暗更
深月珥圍重暈風蟬咽斷吟溪童因立久只說夜
河沉

過邵蜚百羽萬內弟華漚村莊二首

緣溪無半里處處足漁家數頃滄浪水清歌到日
斜近村多細篠遙岸著叢花擬借池南地春深學

種瓜

其二

泛入清溪去輕鷗相逐飛花源何處盡日夕不知
歸非渡春波濶西村夜火微猶將濯纓興醉臥釣
魚磯

除夕

此夕驚何夕瞳瞳滿六街其如多病客空復惜年
華細酌開梅醞芳顏映燭花春風儻有意吹暖到

寒芽

燈夕徐艾若齋小飲

街鼓喧喧夜清觴雜笑哇春芳餘韭茁人語隔梅花幾處傳燈市相看感鬢華照人今夜月不盡五侯家

顧虞工過小齋出蔬酌相對

入門無禮數落拓不簪冠菜甲摘秋圃魚腥薦晚盤相期吾道貴寧馱腐儒餐墻外唯高柳時時對

酒看

贈鄰友

吾愛吾廬僻君來好接鄰巷深疎長者樓迥引仙人蔭柳分飈近遷鶯喚友新莫辭明月夜濁酒過墻頻

賦蟹

矛鋌尖豎眼樓殿隱生匡直刺螯前衛橫驅足列行水涎腥汗甲秋腹密舒芒占盡江南味玄黃一

穀藏

其二

帶介如成隊交鉗每聚窪水寒秋上籩燈遠夜行
沙衙稻猶餘穗懸蘆欲折花應令思膾客不復薦
蓴芽

窮居六首

雲構誰家密貧居自北郊壁根滋長菌屋頂亂生
茅多病無人事清談有故交莫因炊并日遂使酒

杯拋

其二

春生蓬藿徑未改故山居蠹食成仙字蝸涎負客
廬因風猶起嘯映雪卽移書窮巷甘吾拙空勞長
者車

其三

聲出滿天地商歌到日低矮簷巢海燕虛壁穴用
颺判薦思賢母烹雌愧老妻所嗟壺口缺猶向櫪

頭嘶

其四

墻外餘高柳時時拂短檐
埽花僮縛帚移局客迎
簾鄰店容賒酒貧閨任典奩
唯將吟思足爲對雨
纖纖

其五

星文天上動華彩矚前軒
草聖顛何減書淫樂不
言論交長挂榻載酒自盈門
鳴殺床頭劍平生未

報恩

其六

平子思玄日嵇生任誕年
醉多春半病吟苦夜無
眠先達酬詩序門人獻酒錢
一瓢吾不改何日兆
街鱸

雨夜宿汝若夕舫

愁向高齋夜涼生水簾空巷深犬吠雨城黑馬嘶
風病骨知秋早殘燈照夢紅不堪岑寂意聲斷搶

鈴中

山花

花發蒙茸路幽芳更泥人隔烟愁立望經雨怨橫
陳不禁山蜂竊還來野鹿巡無言向流水幾度碧
谿春

雪中四首

早起軒窗外瑤岑向画圖魚從冰眼得竹賴石頭
扶驢跡經行沒鷓聲帶餓呼梁園方宴客誰是獨

操觚

其二

遠村烟不起飄瞥滿平沙大地堪量玉天工會剪
花饑鳥窺晚食野鹿到人家借問山中客寒梅幾
樹斜

其三

欲敵荒寒意唯資酒力饒誰家吟柳絮何處侍雲
翹翡翠圍風暖後猊入火銷那知高隱士僵臥已

連朝

其四

四野望不極風高氣欲凝
色浮仙掌日寒借夜窗
燈雁沒秦原路河漸漢塞水遙思行砦者貂帽入
雲層

村莊雨過

虹外斜陽斷田中奔澇渾
腥呼翻渚鴨濕臥涉泥
豚旗影水祠靜籌聲漁市喧
插秧天正好明早綠

村村

雨後訪祝來仲破山山房

子雲起草處涼雨過山微
石徑携藤席松枝掛葛
衣泉隨清梵落鳥破白雲
歸談笑都忘返深林樵
者稀

雨中看梅秋水閣呈錢牧齋先生

何處滿鳴鳩芳園草欲稠
林梅將竹色夜雨洗池
流水閣謝公興春盃山簡
留風波湖上闊賴有濟

川舟

題錢牧齋先生耦耕堂

竹林開綠野花藥此堂分海內蒼生望山中白日
曛耕耘知帝力黼黻見卿雲沮溺雖賢者寧甘麋
鹿羣

五言排律

附

冬晚坐西爽閣與顧晉昭聯句得八庚

坐永銷人事閒窗殘日明薄寒淹短晷子細火暖

斜鐙刺幔蕉疑雨

晉昭

縈風鐵似筆煙鬢拖復挽

子

夢緒攪還清雲凍雁遲度

晉

樹昏鴉亂鳴蒼山収

淨靄

子

碧落散晶瑩對塵扉仍掩

晉

敲枰譜未成

鳥爭紅子墮

子

蠹蝕墨絲橫毳帽雙蓬鬢

晉

牙籤

百雉城玄珠隨唾落

子

綵筆著人驚劔俠尋仙早

晉騷寃入道平觸蝸羞鬪角子戰蟻笑排營趙璧

張誰幟晉齊竽濫有聲壯懷生遠嘯子奇骨賤時

名洗眼風霾暗晉憑襟涕泗并物華何荏苒子歲

事苦崢嶸律轉楊萸候晉躔移槐火晴登樓携舊

賦子垂屋壓新橙雪乳秋供葉晉冰酥夜荐英陷

灰寒撥盡子斷漏滴徐盈戍角吹霜壘晉檐花瀉

玉罌藜光連太乙子月暈隱長庚陡欲驅愁鬼晉

依然仗酒兵不知陰節壯子幸有歲寒盟絮褐論

千古晉螿鹽詠四更頻年多伉浪莫笑渡江儻子長

九日

九秋淹羽翰陽節罷登高風景摠堪殢吾生亦已

勞浮沉聊泛桂出處但持螯菊細金錢綴庾芳紫

佩韜龍山從笑孟蓮社擬呼陶誰侍橫汾宴香分

漢苑醪

東南銓魏仲雪先生恭進 熹廟香里旋

地肺奎章動天樞斗極分銓衡元重寄冰鑑自超

羣冠冕。今師表。文章舊冠軍。中台需黼黻。南國煥
星文。名壓吳都賦。心懸漢闕勛。使輶隨極運。臣志
與香薰。哀慕思先帝。歡呼拜聖君。惟新同喜
起。休沐暫慇勤。操履鄉人頌。經綸當宁聞。佇看
五色線。長繞日邊雲。

五色線長繞日邊雲
當宁聞佇看
起休沐暫慇勤
操履鄉人頌
經綸當宁聞
惟新同喜起
歡呼拜聖君
哀慕思先帝
與香薰

